

## ეს იყო შესანიშნავი მატჩი

თბილისი. 26 აგვისტო. “დინამო” სტადიონი.

“დინამო” (თბილისი) – “ზენიტი” (ლენინგრადი) – 4:0 (0:0).

“ზენიტი” – ლ. ივანოვი, გეკი, სამარინი, ხუდოიაში, ბელკოვი, კრავეცი, დენისოვი, ცარიცინი, გულევსკი, ბონდარენკო, ა. ივანოვი.

“დინამო” – პირაევი, კოტრიკაძე, ძიაპშვა, ხოჭოლავა, იამანიძე, ლოლობერიძე, ხასაია, გაგნიძე, კალოევი, ჭკუასელი, მესხი.

მსაჯი: ვ. ბარაშკოვი (მოსკოვი).

როცა მატჩი დამთავრდა, კაპიტნებმა ერთმანეთს ხელი ჩამოართვეს, მსაჯს მადლობა გადაუხადეს და გვირახისაკენ გაემართნენ, მაყურებლებმა ხანგრძლივი ტაშით გააცილეს ორივე გუნდი, გამარჯვებულიც და დამარცხებულიც. და უნდა ითქვას, რომ ფეხბურთელებმა სავსებით სამართლიანად დაიმსახურეს მაყურებელთა მოწონება. წელს თბილისის სტადიონზე არ ყოფილა ასეთი დამაბული, საინტერესო მატჩი, ასეთი მაღალი კლასის თამაში.

დიქტორს ჯერ არ ჰქონდა დამთავრებული გუნდების შემადგენლობათა გამოცხადება, რომ “ზენიტის” კართან უკვე რამდენიმე სახიფათო მომენტი შეიქმნა, რომელთაგან ერთი კინალამ გოლით დამთავრდა (ხასაიამ თვით ააცილა კარს ჭკუასელის მოწოდებული ბურთი). ლენინგრადელებმა სწრაფად მოახერხეს მოწინააღმდეგის იერიშების ლიკვიდირება და კონტრშეტევაზე გადმოვიდნენ. სტუმრები ფიზიკურად კარგად არიან მომზადებული, თამაშობენ სწრაფად, ენერგიულად, დიდი დატვირთვით. გუნდი სრული შემადგენლობით, მთლიანობის დაურღვევლად გადადის დაცვიდან თავდასხმაზე და პირიქით, მცველები მჭიდროდ იჭერენ მოწინააღმდეგეებს, ხოლო თავდასხმაში კომბინაციის გათამაშებისას ერთ–ერთი თავდამსხმელი ყოველთვის იმყოფება თავისუფალ პუნქტში ბურთის მისაღებად. მეტად ძლიერად თამაშობდნენ ზენიტის ნახევარმცველები და შუამარბები, რომლებმაც დასაწყისში შეძლეს ინიციატივის აღება მინდვრის შუაგულში.

მსაჯის პირველი სასტენიდან გასული იყო მხოლოდ 10–15 წუთი და მატჩის დამაბულობამ მაქსიმუმს მიაღწია. უაღრესად მწვავე ბრძოლა წამითაც არ შენელებულა. სტუმრები ცდილობდნენ თავისი ზონიდან გამოეტყუებინათ ძიაპშვა და მარცხენა ფლანგზე გარღვევაზე გაეყვანათ ა. ივანოვი, მაგრამ კოტრიკაძეს უშეცდომოდ ეკავა თავისი პოზიცია, ხოლო თუ ძიაპშვა ხანდახან ტოვებდა ზონას, იგი გულევსკისთან ბრძოლაში გამარჯვებული ბრუნდებოდა უკან. “ყველაფერი რიგზე” იყო ხოჭოლავას მხარესაც, ხოლო ლოლობერიძე და იამანიძე დაუღალავად მუშაობდნენ როგორც დაცვაში, ისე შეტევის დასაწყისში.

პირველ ტაიმში ზენიტელებს ჰქონდათ ერთგვარი ტერიტორიული უპირატესობა, მაგრამ თბილისელთა იერიშები გაცილებით უფრო გეგმიანი, ეფექტური და მოულოდნელი იყო. საგანგებო მეთვალყურეობის ქვეშ იყვნენ აყვანილი ხასაია, რომელსაც ერთი ნაბიჯითაც არ სცილდებოდა ხუდოიაში და ჭკუასელი, მაგრამ ჭკუასელმა (იგი ამ დღეს ბრწყინვალედ თამაშობდა) რამდენჯერმე მაინც შეძლო სახიფათოდ გასვლა და ლენინგრადელები ყოველგვარი საშუალებით ცდილობდნენ დაეცვათ კარი მისი დარტყმებისაგან. “დინამოს” თამაშში ერთადერთ ნაკლად შეიძლება ჩაითვალოს ის, რომ მარცხენა ფლანგი (მესხი) პირველ ნახევარში ნაკლებად იყო ჩაბმული შეტევაში.

პირველი ტაიმი უშედეგოდ დამთავრდა. შესვენების შემდეგ თამაშმა კიდევ უფრო მწვავე ფორმები მიიღო. დაიწყო თუ არა ტაიმი, ხასაიამ, ლოლობერიძემ და მესხმა გაითამაშეს სწრაფი კომბინაცია, რომელიც მესხმა შორი მანძილიდან ზუსტი დარტყმით – 1:0.

“ზენიტმა” დაამთავრა ცადა ეს მარცხი მაშინვე გამოესწორებინა, მაგრამ თბილისელთა შეჩერება შეუძლებელი იყო. კერძოდ, შეუძლებელი იყო ჭკუასელის დაკავება, რომლის მიმართ ბელკოვი ყველა (როგორც ნებადართულ ისე აკრძალულ) ზომას ხმარობდა. 23–ე წუთზე ჭკუასელმა გადასცა ბურთი ხასაიას, ხასაიამ გაგნიძეს და ამ უკანასკნელმა ცარიელი კარის ხაზიდან ზევით გადააგდო ბურთი. სამი უძნელესი დარტყმა აიღო ივანოვმა ჭკუასელისაგან.

გავიდა 30 წუთი. ცხადი ხდებოდა, რომ ხუდოიაშს თანდათან სულ უფრო უჭირდა ხასაიას დაჭერა და “ზენიტის” დაცვამ კიდევ უფრო დაიხია უკან. 35–ე წუთზე ჭკუასელმა მიიღო ბურთი იამანიძისაგან. ლენინგრადელებმა ამჯერად ვერ მოასწრეს მისთვის ფეხის გამოდება (ასეთი ცდა კი იყო) და ძლიერი დარტყმის შემდეგ ძელს მოხვედრილი ბურთი კარში გავიდა – 2:0.

ამავე წუთს ხასაია კვლავ გაექცა ხუდოიაშს და მეკარის პირისპირ აღმოჩნდა. მცველმა უკანასკნელ საშუალებას მიმართა, რომელიც თამაშის წესების თანახმად სასჯელის უმაღლესი ზომით, პენალტით ისჯება. ხასაიამ თვითონვე დაარტყა 11-მეტრიანი – 3:0.

თამაშის ბედი უკვე გადაწყვეტილი იყო, მაგრამ ამ შესანიშნავ მატჩს ბოლო წუთებამდე შერჩა უკიდურესი დამაბულობა. ზენიტელებმა ერთხელ კიდევ სცადეს ანგარიშის გაუმჯობესება და პირავეს რამდენიმე მეტად ძნელი ბურთის აღება მოუხდა ბონდარენკოს, დენისოვისა და ცარიცინისაგან.

მე-40 წუთზე ჭკუასელმა ოსტატურად გაიყვანა გარღვევაზე ხასაია, რომელმაც ზუსტად მიაწოდა ბურთი კალოევს, რომელმაც არ დააყოვნა მისი კარში გატანა – 4:0.

ამ ანგარიშით თბილისის “დინამომ” მოიგო შეხვედრა, რომელშიც ორივე გუნდმა ჩინებული თამაში აჩვენა.

დუბლიორთა მატჩი დამთავრდა “ზენიტის” გამარჯვებით, ანგარიშით 2:1.

**ბ. ქორქია.**

**“ლელო”, 29 აგვისტო, 1956 წ.**